

# INUIT ATAQATIGIIT INATSISARTUNI



UKA2021/124, 125, 126 & 127

12.oktober 2021

Mariane Paviasen

**Imm. 124: Ingerlatsiviit pillugit inatsisip allangortinneqarnera pillugu inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassianik piviusunngortitsineq aamma aalajangersakkanik attuumassutilinnik nutarsaaneq)**

**Imm. 125: Inuussutissarsiuutigalugu aningaasaateqarfiit pillugit allanguutitut inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)**

**Imm. 126: Sulliviit inuussutissarsiuutitut ingerlatat ilaat pillugit inatsisip allangortinneqarneranut inatsisini assigiinngitsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu inatsit pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)**

**Imm. 127: Aningaasaateqarfiit aamma peqatigiiffiit ilaat pillugit inatsisip allangortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaat pillugu Namminersorlutik Oqartussat akuersissuteqarnissaat pillugu**

# INUIT ATAQATIGIIT INATSISARTUNI



**Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)**

**(Nunanut Allanut, Inuussutissarsiornermut, Niuernermut Silallu Pissusianut Naalakkersuisoq)**

Siullermik Naalakkersuisut siunnersuutaannut Qujavugut, aammalu ulloq 29. Sept. 2021 imm. 123-imut attuummassuteqartoq uani pineqarpoq, siunnersuut sivilisuaamik Inatsisartuni akuerineqarneraniit utaqqisimavarput, Siunnersuut pingaaruteqartoq Naleqqami ilaasortap Pele Broberg-ip 2019-mili siunnersuutigisimasaa taamanikkulli Inatsisartuni akuersissutigineqartoq, aatsaat maanna ingerlaqqittoq, neriuppunga siunissami Naalakkersuisuusartussat Inatsisartuni inatsissatut suliaakkiissutit pimoorullugit piaartumik suliarineqartarnissaat isumagisalerumaaraat, ukiarmi manna allanngilaq siusinnerusukkulli suliarineqareersimasusaagaluunik suliarineqarsimangitsunik torersaaneq.

Inatsissatut siunnersuut pingaaruteqarluinnarpoq, ukiunimi kingullerpassuarni inuiaqatigiinniit amigaatigineqarsimavoq, assersuutigalugu aatsitassarsiorniarnep iluani suliffeqarfiit A/S-it kikkunnit pigineqarnersut takujuminaatinneqarsimasoq maanna ajornannginnerusumik malinnaavigineqarsinnaalernissaat qilanaarnarpoq. Taamaalilluni suliffeqarfiit assigiinngitsut nunatsinni pilersinneqartut kikkunnit pigineqartut eqqoriaaqqattaarneq atorunnaartinneqarsinnaalernissaa qanillivoq, minnerunngitsumik suliffeqarfiit aamma illersugaannerat annertusarneqartussanngormat nuannaarutigaa.

Eqqartugaq siusinnerusukkut oqaluuserineqareernikummat, Naalakkersuisullu Inatsisartuni akuerisaareersimasoq ingerlariaqqittussanngormat qujalluta Inuit Ataqatigiinniit siunnersuut taperserlugu ataatsimiititaliamut susasaqartumut ingerlateqqipparput.

# INUIT ATAQATIGIIT INATSISARTUNI



Qujanaq.